

廣黃帝本行記
韓軒轅黃帝傳
仙黃帝傳



Z121

1

13434

廣黃帝本行記

王璣述

中華書局

叢書集成初編

廣黃帝本行記（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

廣黃帝本行記

此據平津館叢書
本排印初編各叢
書僅有此本

廣黃帝本行記一卷。載道藏海字號。非完書也。考新唐書藝文志雜傳記類。云王瓊廣軒轅本紀三卷者。卽此。蓋其書備詳黃帝始末。今起於黃帝以天下旣理。乃所存。但下卷耳。首題脩行道德。必每卷各以四字標識。而上中二卷。是黃帝生長及治天下等事。皆與道家無涉。故不爲藏所收。而遂佚去。本書帝吹律定姓者十二注。云在中卷。又黃帝有子各封一國。注云具中卷。尤可證矣。淵如先生得壹是堂舊鈔本。屬校刊於江寧。因借朝天宮正統十年藏本對勘一過。凡訂正若干字。錢曾讀書敏求記著錄與此無異。計世閒未必更有足本。姑闕之以俟博見者。嘉慶丁卯二月。元和顧廣圻序。

廣黃帝本行記

脩行道德

唐 閩州晉安縣主簿王 瓊進

黃帝以天下既理。物用具備。乃尋真訪隱。問道求仙。冀獲長生久視。所謂先理代而登仙者也。時有甯封子爲陶正。有神人過。爲其掌火。能出入五色烟。久則以教封子。封子積火自燒。随烟氣上。下一旦飛去。往流沙食飛魚。暫死二百年。更生。黃帝師其道。從封子遊於闕沙。使風后負書。常伯荷劍。且往涇流。夕歸。蒲首行萬里而一息。涇流如沙塵。足踐則陷。其深難測。大風吹沙如霧。霧中多龍神魚鼈。皆能飛翔。有石藍青色。堅而甚輕。從風靡靡。覆於流沙之上。一莖百葉。千年一花。故甯封遊海詩曰。青藍灼爍千載舒。百齡暫死食飛魚。有務光子。身長八尺七寸。神仙者也。務光自黃帝至夏時。常遊民間。餌藥養性。好鼓琴自娛。有赤將子與者。不食五穀。陷百草花而長年。至堯時爲水正。能隨風雨上下。已二千歲矣。有容成公。善補導之術。守生養氣。谷神不死。能使白髮復黑。齒落復生。帝慕其道。乃造五城十二樓。以候神人。卽訪道遊華山。首山東之泰山。時致怪物。而與神會通。接神人於蓬萊。迺接萬靈於明庭。京兆山。寒門。甘泉谷口。在長安北甘泉宮。黃帝於是祭天圓丘。將求至道。卽師事九元子。以地臬元年正月上寅日齋于首山。在河東蒲坂。復周遊以訪其道。將見大隗于具茨之山。方明爲御。

昌寓驂乘。張若謂彥前導。謂音習。彥。舒氏切。或作朋。昆閻滑稽後從。至襄城之野。七聖皆迷。遇牧馬童子。問途焉。若

知具茨之山乎。曰然。莊子以大隗喻大道。具茨喻人。言道在人身。不在道求也。具茨山在梁陽密縣。若知大隗之所存乎。曰然。黃帝曰。異哉。小童非

獨知具茨之山。又知大隗之所存乎。牧馬童子喻體道之人。請問爲天下。小童曰。夫爲天下者。亦若是而已矣。又奚事

焉。牧馬者。恣其水草。盡力樂之。治天下者。耕而食。耕而衣。處以無爲。亦何事耳。余少而自遊於六合之內。余適有瞽病。有長者教余曰。爾乘日

之車而遊於襄城之野。今余病少痊。余又且復遊於六合之外。夫爲天下者。亦若此而已。又奚事焉。六合外者

。異於世也。六合內者。同於世也。皆病。風疾也。長者。體道之人也。日車者。日新也。童子言未悟道之時。與物不

羣。潔身明汙以遭風疾。心緒荒狂。及遇體道之人。聞乎至理。乘日新之道。與時推移。和光同塵。波流順靡。外無物

累。內盡慮忘。如此冥心。皆病尋愈。帝王理天下。何異於斯。我無爲而人自化。帝曰。夫爲天下。誠非吾子之事。雖然。請問爲天下。小童辭。黃帝又問

小童曰。夫爲天下者。亦奚以異乎。牧馬哉。亦去其害馬而已。牧馬者。不傷其性也。理天下者。無爲而無不爲。帝再拜稽首。稱天師

而退。帝曾省天皇真一之經。而不解三一真氣之要。是以周流四方。求其釋解。乃至閭丘之上。其國有不

死之樹。食其實。與葉。人皆不死。丹榲之泉。飲之長生。有巨蛇害人。帝以雄黃逐之。留一時而返。外國記云。留九年。帝

令三子習服之。皆壽三百歲。東到青丘。見紫府先生。登於風山。受三皇內文。天文大字。抱朴云。三卷。以効召萬

神役使羣靈。南到五芝玄澗。登玄隴。蔭建木。觀百靈所登降。採若乾之芝。一云飲丹醴之水。西見中黃子。

受九茹之方。北到鴻隄。上具茨。見大隗君。密縣有大隗神。黃蓋童子受神仙芝圖十二卷。登稽山。陟王屋。開石函。

發玉笈。得金鼎九丹之經。復受九轉之訣於玄女。南至江。登熊湘。熊山在郢陵。湘山在長沙益陽縣。往天台。受金液神丹之

方。聞廣成子有道。在空同山。在豫國虞城。東三十里。見之曰。聞吾子達於至道。敢問至道之精。吾欲取天地之精。以佐

五穀。以養人民。吾又欲官陰陽。以遂羣生。爲之奈何。廣成子曰。汝欲問者。物之質也。汝欲官者。物之殘也。自汝理天下。雲氣不待簇而雨。草木不待黃而落。日月之光。益以荒矣。汝佞人之心。翦翦者奚足以語至道哉。黃帝退。捐天下。築特室。席白茅。閑居三月。復往邀之。廣成子南首而臥。黃帝順下風。膝行而進。再拜稽首而問曰。聞吾子達於至道。敢問治身。奈何可以長久。廣成子蹶然而起曰。善哉。問乎來。吾語汝。至道之精。窈窈冥冥。至道之極。昏昏默默。必靜必清。無勞汝形。無搖汝精。乃可長生。目無所見。耳無所聞。心無所知。神將守形。乃可長生。慎汝內。閉汝外。多知爲敗。我爲汝遂於大明之上矣。至彼至陽之原也。我爲汝入于杳冥之門矣。至彼至陰之原也。天地有官。陰陽有藏。慎守汝身。物將自壯。我守其一。以處其和。故我脩身千二百歲矣。吾形未嘗衰也。黃帝再拜稽首曰。廣成子之謂天矣。廣成子又曰。彼其物無窮。而人嘗以爲終。彼其物無測。而人皆以爲極。得吾道者。上爲皇而下爲王。失吾道者。上見光而下爲土。今夫百昌。

皆生於土而返於土。故將與汝入無窮之門。以遊無極之野。吾與日月參光。與天地爲常。當我縉乎。遽我昏乎。人其盡死。而我獨存乎。黃帝得道之要。復周遊四海。車轍馬跡。丹井遺墟。往往而有。蜀之天社山有丹井。昌利山。青城山。

縉雲山皆有轍跡。永嘉山有丹泉。青城山。羅浮山有古壇。

越玄闕見中黃丈人。登雲臺。人青城天國之都。見甯先生。受龍躡之經。築壇

于山上。封甯先生爲五嶽丈人。使嶽神一月再朝。嶽神灑六時之泉。以代晷漏。帝問先生真一之道。先生曰。吾得道始仙耳。非是三皇天真之官。實不解此真一之文。近皇人爲扶桑君所使。傾峨嵋山仙官。今猶未去。可往問之。帝乃到峨嵋之山。清齋三月。得與皇人相見。皇人者。不知何世人也。身長九尺。玄毛被體。皆長尺餘。髮纒長數寸。其居乃在山北絕巖之下。中以蒼玉爲屋。黃金爲牀。然千和之香。侍者皆衆。仙玉女。座賓三人。皆稱太清仙王。方見皇人。飲以丹華之英。漱以玉井之漿。黃帝匍匐既至。再拜稽首而立。請問長生之道。皇人曰。子既官四海。復欲不死。不亦貪乎。帝曰。萬兆無主。則相凌暴。今爲制法。足以傳後。私心好道。遠涉四海。幸遇道君。願垂哀告。竊見真人食精之經。徒省其文。而弗綜其意。看其辭。而不釋其事。乞得教誨。皇人大驚。良久。乃答曰。汝安得聞見此。乃金籙之首篇。上天之靈符。太上之寶文矣。白日昇天。飛步虛空。身生水。火變化無常。此天仙之真。唯有龍胎金液九轉之丹。守形絕粒。辟除萬邪。役使鬼神。長生久視。乃血脈流宣。腸化爲筋。百災不能傷。延期至億千。則唯有真一食五牙之文。此二事。但使南斗君領錄。參於太帝鍵籙。自非仙人四千年一出之約。皆不得背科而往泄也。又西王母祕此書於五城之內。

其外衛備。有仙樓十二。藏以紫玉之匱。刻以黃金之札。封以丹芝光華印。以太上中章。其無仙籍者。不得聞知也。子未可聽天音於地耳矣。便可去也。帝答曰。昔已受神丹於玄女。唯未受五牙食真之經。幸今運會。得見道君。既不以授生道。是臣相命不得度世耳。因叩頭流血。唯乞啓濟。太清三仙王復感助之曰。此子先世有功。德及鳥獸。故芳氣之流。光于帝位。何爲隱其真牙之經乎。可教而成之也。真人命帝坐而告之曰。汝向所道之經。蓋上天之氣。歸于一身。一身分明了。可長存耳。夫人有生之最靈也。不能自守其神。而却衆惡。若知之者。不求祐於天。止於其身。則足矣。且一身猶一國也。胸腹之位。猶宮室也。四肢之列。猶郊境也。骨節之分。猶百官也。神猶君也。血猶臣也。氣猶民也。故知理身。則知理國。愛其民。所以安其國。吝其氣。所以全其身。民散則國亡。氣竭則身死。亡者不可存。氣者不可生。所以至人消未起之患。理未病之疾。堅守之於無事之前。不追之於既逝之後。民難養而易散。氣難保而易失。審威德所以固其理。割嗜慾所以成其真。然後真一存焉。三一守焉。泥丸絳宮丹田。三一之宅也。子勤守之。萬毒不傷。漱華池。食五牙。便爲真仙矣。吾受此經於九天真王。今以相付。存之於口。名曰朱鳥之丹。取之於身。名曰真一勤乎秘哉。大有旨曰。五穀爲刳命之鑿。五牙爲長生之根也。帝受道畢。東過廬山。署九天使者。秩次青城丈人。比御史。主總仙官之籍。爲五嶽之監司也。帝又封灑山君爲九天司命。主生死之錄。復以四嶽皆有佐命之山。而南嶽孤峙無輔。乃章祠三天太上道君。命霍山爲南嶽儲君。灑山爲南嶽之副。以武其政。以輔佐之。乃寫九州山川百物之形。又作五嶽之圖。用傳於世。帝鍊石于縉雲之山。有縉雲之瑞。立縉雲之堂。丹丘存

焉。帝藏兵法勝負之圖六甲陰陽之書於苗山。今在越州。亦名玉節山。禹集

元君受易形變化藏于空同之巖。帝考推步之術於太山。稽力牧著體診之訣於岐伯。雷公講氣候於風

后。窮律度於容成。救殘傷綴金冶之事。畢該秘要。窮究道真。傳陰符則內合天機。外合人事。理天下南洎

交趾。北至幽陵。西極流沙。東界蟠桃。蟠桃在度索山。出山海經。帝曰。吾聞在宥天下。不聞理於天下。我勞天下久矣。息

駕玄圃。以反余真也。玄圃在崑崙上。有崑崙宮。脩封禪禮畢。乃採首山之銅。鑄鼎象物。鼎成。以象太一於雍州。雍州。魏州。魏州。魏州。

鼎州。馮翊懷德縣。荆山。今日皇天原是也。其鼎知吉凶。知存知亡。能輕能重。能息能行。不灼而沸。不汲而盈。自生五味。真神

鼎也。遂鍊九鼎之丹服之。以丹法傳於玄子。重盟而付之。丹經藏于九疑之東。委羽之山。承以文玉。覆以

盤石。金簡玉字刻其文。夏禹得其書。合丹成道。藏于會稽之山。張道斷得其書。合丹昇天。藏于雲臺之山也。帝又以靈寶五符真文金簡書之一通藏

於鍾山。一通藏宛委之山。帝所鑄劍銳鼎器。皆以天文古字題銘其上。或有祕識之詞焉。時薰風至。神人

集成厭代之志。留冠珮劍。鳥於鼎湖。極峻處昆臺之上。立館於其下。有馬師皇者。善醫馬。通神明。忽有龍

下於庭。張口閉目。師皇視之。此龍有病。乃引鍼以鍼龍口。中以牛乳煎甘草灌之。龍病即愈。師皇乘龍而

去。黃帝聞之。自擇以戊午日昇天。果有黃龍下。垂髯迎帝。帝乘龍登天。與無爲子及臣僚昇天者七十二

人。其小臣不得去者。攀斷龍髯。及隨帝弓。小臣抱弓而號。因曰烏號弓。萬姓仰天而呼。因名其地爲皇天

原亦名鼎湖。今湖城其後有臣左微，削木爲黃帝像，率諸侯而朝奉之。臣僚追慕，取几杖立廟而祭之。取

衣冠置墓而守之。於是喬山之冢。在上郡周陽縣。有喬山。又廣德縣。有黃帝祠。坊州橫山有黃帝塚。黃帝曾遊處，皆有祠焉。五百年後，喬

山墓崩，空室唯劍與赤鳥在。一旦亦失去。荆山經。龍首祀具載。黃帝居代總一百一十年。在位一百年。昇天爲太一

君。又爲軒轅之星。備黃龍之體。在南宮之中。大禮祭天神。軒轅星也。後代享之，列爲五帝。居中配天。蓋黃帝土德，中央

之位，兼總四方也。東方青帝太昊，南方赤帝神農，西方白帝少昊，北方黑帝顓頊，爲五方人帝。以鎮星爲子，上配五老，下配五帝。黃帝之子昌意居

弱水，昌意之弟少昊，帝妃女節所生也。帝之女溺於東海，化爲鳥，名曰精衛，常銜西山木石以壅東海焉。

少昊名摯，字青陽，卽帝位，號金天氏。黃帝之子也。顓頊高陽氏，黃帝之孫也。有聖德，在位七十八年。年九

十八歲。母蜀山氏，都商丘濮陽。禹強，黃帝之胤。顓頊之子，與顓頊俱得道。顓頊爲玄冥，禹強爲北方水神。

顓頊以來，以興之地爲號。帝嚳高辛氏，黃帝之孫。蟠極所生也。帝生而神靈，自言其名，都偃師。今在河南。在位七十年。年一百

五歲。帝堯陶唐氏，黃帝玄孫，姓伊祁，名放勛，興於定陶，以唐侯爲帝。濟陰有定陶，定州有唐縣。都於平陽。在晉在位九

十八年。年一百一十八歲。帝舜有虞氏，姓姚，名重華，黃帝八代孫。梁國有虞城，今蔡州。都蒲坂，年百歲，得道登遐於

九疑之山。夏禹號夏后氏。黃帝玄孫。姓姁。名文命。舜已八代。禹居舜後。而禹爲玄孫。何也。按通甲開山圖曰。禹得道仙人。古有大禹。女媧十九代孫。年三百六十歲。入九

疑山。後三千六百歲。堯理天下。洪水既甚。人民墊溺。大禹念之。化生於石紐山泉中。女狄馨汲水。得石子。如珠。愛而吞之。有娠。十四月而生子。長大能知泉源。乃賜號爲禹。代父釁理水。三年功成。舜以其功爲司徒。後卽帝位。

以此推之。黃帝玄孫也。黃 殷湯。黃帝十七代孫。黃帝子少昊。少昊生蟠極。蟠極生高辛。十四世後天乙。爲殷王也。黃帝子孫。各得姓於事。帝吹律定姓着

十二。在中 少昊有子。姓曼。顓頊姓姬。以黃帝居姬水。帝嘗子遂后。種姓姬也。堯姓伊祁。舜姓姚。禹姓姁。湯姓子。又張、鄧、軒、路、黃

寇、宋、鄆、白、薛、虔、資、伊、祁、申、屠、黃、公、托、跋。昌意之子。封北土。以黃帝土德。北俗以土爲托。以君爲跋。乃以托跋爲姓。黃帝有子。各封一國。具中 總三

十三氏。出黃帝之後。子孫相承。凡一千二百五十年。自黃帝己酉歲。至今大唐廣明二年辛丑歲。計三千

四百七十二年矣。